

Abt Konrad IV. von Helmshausen nimt den Freien Wicmann mit seiner Frau Fritheburga unter die Altarhörigen des Klosters unter bestimmten Bedingungen auf.

C. Dei gratia Helmwardensis ecclesie humilis procurator. Quoniam omnibus benefacere non solum amicis, verum etiam inimicis iubemur, quantum possibilitatis nostre vires paciuntur, his potissimum beneficiorum nostrorum debitores sumus, qui spontanea se traditione manciparunt ecclesie sancte Dei genitricis Marie sanctique Petri principis apostolorum in Helmwardeshuson, cui divina ordinante clementia presidemus, ut eis pro modulo nostro contra diversas, que accidere solent adversitates, munimen nostre providentie tam in futuro quam in presenti debeamus pretendere, quantum sinat vel temporum qualitas vel humanorum morum admittat instabilis levitas. Igitur, que subternotata sunt, nota cupimus fieri tam presenti quam future fidelium Christi generationi. Quidam liber homo Wicmannus nomine cum coniuge sua Fritheburga dicta predium suum V videlicet mansos in Wicmannessen (tradidit se prescripte ecclesie nostre hac videlicet conditione, ut singulis annis quoad viveret III<sup>or</sup> denarios in festo beati Petri ad altare deferret, II pro se, II de predio. Quo defuncto filius eius, qui predium idem hereditario iure susciperet, totidem et ipse persolveret et hoc a generatione in generationem perduraret. Porro cum quilibet eorum vita decederet, quicquid melius in iumentis secundo loco habuisset, ecclesie representaretur et similiter per successiones generationum fideliter observaretur. Quod si legitimi heredes in hac successione defecerint, ut fieri potest, ecclesia idem predium libere possideat. Quod si forte aliquis eorum alienam duxerit uxorem, alienam videlicet sui iuris, etiam si ecclesie sit alterius conditionis, eo defuncto ecclesia item, quod suum est, recipiat. At si deficientibus maribus femina ibi fuerit soror videlicet alicuius eorum succedet in hereditatem sub prescripta conditione. A nubentibus puellis nichil exigetur; pro morientibus autem optima vestis ad altare deferetur. Hanc traditionem sine alicuius persone legitime facta reclamacione litteris mandari iussimus atque inpressione sigilli nostri munitam banno quoque beati Petri robo-

ravimus, ut absque retractacione ab eo se dampnandum noverit, quicumque temerario ausu vim aliquam rebus eius inferre presumpserit.

Orig. Siegestrest an weißem Lederriemen.

Druck: Pfaff, a. a. D. S. 167 f. nach Overham (V, 255); bergl. S. 155.